



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona”, broj 5/08), na prijedlog Ureda za borbu protiv korupcije Unsko-sanskog kantona, Vlada Unsko-sanskog kantona na 34. sjednici, održanoj dana 21.3.2024. godine, donosi

ZAKLJUČAK

I

Usvaja se Izvještaj o radu Ureda za borbu protiv korupcije Unsko-sanskog kantona za 2023. godinu.

II

Ovaj Zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-02-51-406/2024
Bihać, 21.3.2024. godine



PREMIJER KANTONA
Nijaz Hušić



IZVJEŠTAJ

Skupština Unsko-sanskog kantona (u daljem tekstu: Skupština) donijela je dana 25.02. 2021. godine Zakon o prijavljivanju i postupku provjere podataka o imovini nosioca javnih funkcija u Unsko-sanskom kantonu („Službeni glasnik Unsko-sanskog kantona“ broj: 7/21;) u daljnjem tekstu: Zakon). Zakon nije propisivao kaznene odredbe te su odredbe koje su se odnosile na imenovanje sekretara Ureda za borbu protiv korupcije Unsko-sanskog kantona (u daljnjem tekstu: Ured) bile suprotne odredbama Zakona o državnoj službi u Unsko-sanskom kantonu u skladu sa kojim se trebao provesti izbor i imenovanje sekretara. Naime, dana 18.01. 2022. godine donesene su izmjene i dopune Zakona, kojim je olakšana procedura uspostavljanja Ureda za borbu protiv korupcije Unsko-sanskog kantona (u daljem tekstu: Ured). Nadalje, u junu mjesecu 2023. godine, donesene su izmjene Zakona koje se odnose na uvjete za poziciju sekretara, odnosno odredbe su usklađene sa odredbama Zakona o državnoj službi u Unsko-sanskom kantonu.

Kako je propisano samim Zakonom, Ured je nadležan za provođenje istog, što podrazumijeva ovlaštenje za prikupljanje, provjeru i obradu podataka o imovini nosioca javnih funkcija, te uspostavljanje i vođenje Registra podataka o imovini i Registra poklona.

Nadležnosti po osnovu ovog Zakona bile su povod za donošenje Uredbe o osnivanju Ureda za borbu protiv korupcije Unsko-sanskog kantona („Službeni glasnik Unsko-sanskog kantona“, broj: 20/22).

Ured vrši stručne, operativne i administrativno tehničke poslove, u vezi sa:

a) provođenjem Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu;

b) aktivnostima na prevenciji korupcije, kao i prikupljanju podataka i prijavljivanju nadležnima uočenih koruptivnih aktivnosti u Unsko-sanskom kantonu;

c) Ured, inicira, uspostavlja i vodi sljedeće registre:

- Registar ličnih podataka o imovini i postupku provjere imovine lica iz člana 1. Zakona,

- Registar poklona,

- druge registre i evidencije kojima se unapređuje efikasnost i osigurava transparentnost rada institucija.

d) planiranje, provođenje, praćenje i nadzor nad provođenjem antikoruptivnih politika utvrđenih strateškim dokumentima;

e) iniciranje donošenja propisa, izmjena i dopuna propisa, strateških dokumenata Vladi i Skupštini Kantona i metodologija, a koji se odnose na segment borbe protiv korupcije, te prezentiranje informacije o stanju u oblasti;

f) organiziranje aktivnosti u vezi s prevencijom korupcije i koruptivnih aktivnosti;



- g) unaprijeđenje i širenje znanja o sprečavanju korupcije;
- h) davanje preporuka i smjernica za provedbu propisa i strateških dokumenata iz domena borbe protiv korupcije;
- i) koordinaciju između svih subjekata obuhvaćenih strateškim planovima borbe protiv korupcije kao i suradnju i koordinaciju s Agencijom za prevenciju korupcije i koordinaciju borbe protiv korupcije BiH i ostalim pravnim osobama, organima i organizacijama koje su nadležne u postupanju u oblasti borbe protiv korupcije, kao i pravosudnim organima;
- j) prikupljanje podataka o realiziranju aktivnosti iz djelokruga borbe protiv korupcije (utvrđenih propisima, akcionim planovima i drugim strateškim dokumentima i aktima izvršne i zakonodavne vlasti) od svih kantonalnih institucija navedenih u članu 9. stav (1) Uredbe o osnivanju Ureda za borbu protiv korupcije Unsko-sanskog kantona (u daljnjem tekstu Uredba);
- k) objedinjavanje prikupljenih podataka, sačinjavanje analize i informiranje nadležnih u skladu sa Uredbom;
- l) postupanje po prijavama prema institucijama u svrhu provjere navoda u prijavi i prosljeđivanja istih nadležnim organima i institucijama;
- m) uspostavljanje i upravljanje bazama podataka koje za cilj imaju transparentnost, prevenciju ili otkrivanje koruptivnih aktivnosti;
- n) organiziranje okruglih stolova, medijskih i drugih kampanja, te edukativnih i ostalih aktivnosti usmjerenih na preveniranje i suzbijanje koruptivnih aktivnosti;
- o) obavlja i druge poslove utvrđene zakonom i drugim propisima.

Nadalje, Vlada Unsko-sanskog kantona svojom odlukom broj:03-017-5407/2022 od 26.12. 2022. godine dala ovlaštenje sekretaru Ministarstva pravosuđa i uprave da pored poslova svog radnog mjesta, obavlja poslove dužnosti Sekretara Ureda za borbu protiv korupcije Unsko-sanskog kantona. Od dana datog ovlaštenja v.d. sekretara je otpočeo sve aktivnosti na uspostavi Ureda, a kako slijedi:

- registracija ureda, prijava kod nadležnih institucija, izrada pečata,
- učešće u uzradi Strategije za borbu protiv korupcije Unsko-sanskog kantona,
- uspostavljena saradnje sa drugim institucijama kroz imenovanje kontakt tački,
- imenovane kontakt tačke ispred institucija (ukupno 30 kontakt tački),
- održavani sastanci sa kontakt tačkama, Američkom ambasadom i OSCE-om,
- organizirane edukacije kontakt tačaka,
- izrađen Pravilnik o unutrašnjoj organizaciji Ureda upućen na saglasnost Vladi,
- planiran budžet za rad Ureda za 2023. i 2024. godinu,
- donijeto uputstvo za popunjavanje obrasca imovine,
- urađen obrazac prijave poklona i uputstvo o popunjavanju obrasca prijave poklona,
- izrađena odluka o uspostavljanju registra imenovanih lica na području kantona koji će biti informatički povezan sa registrom imovine nosioca javnih funkcija,
- izrađeno uputstvo za popunu obrasca imenovanih lica na području USK-a,



- izrađena web stranica Ureda sa registrima (Registar imovine, Registar imenovanih lica i Registar poklona) zajedno sa Misijom OSCE-a u BiH koja je i finansirala sami projekat,
- izrađen prekršajni obrazac naloga i upućen na odobrenje Federalnom ministarstvu pravde (odobren),
- dobijena saglasnost Agencije za zaštitu ličnih podataka BiH za uspostavljanje Registra imovine i Registra poklona,
- tražena saglasnost od Agencije za zaštitu ličnih podataka BiH za uspostavljanje registra imenovanih lica
- upoznata javnost sa radom Ureda,
- upućena na sjednicu Vlade Odluka o davanju saglasnosti na tekst Izjave o nepokretanju aktivnosti sticanja imovine po završetku javne funkcije, mandata po bilo kojem osnovu, odnosno postavljenja na drugo radno mjesto ili prestanka radnog odnosa,
- učešće u radnoj grupi za izradu Strategije za borbu protiv korupcije 2024.-2028. BiH i Akcionog plana za provođenje Strategije, (Odluka Vijeća ministra BiH),
- učešće na edukacijama vd sekretara,
- obezbijedena oprema od strane Američke ambasade u BiH na zahtjev i molbu,
- upućen zahtjev prema Američkoj ambasadi za donaciju dodatne opreme,
- zaprimljeno za 2023. godinu 160 akata kroz knjigu protokola na koje je uredno odgovoreno,
- otvoren Ured sredinom oktobra 2023. godine, (pripremljen svečani otvor na kojem su prisustvovala visoke delegacije),
- zaprimljeno 900 koverti u periodu godišnjeg prijavljivanja. Koverta još nisu otvorene iste se nalaze u prostorijama ureda u sefu gdje su osigurane. Analiza prijave će se pristupiti nakon što se zaposli osoblje Ureda. Nakon analize pristupit će se unosu podataka u elektronski registar koji će biti javno dostupan.
- imenovan sekretar Ureda 19.01.2024. godine, međutim ne može preuzeti dužnost do usvajanja budžeta Usk-a.

Objava podataka o imovini nosioca javnih funkcija u Unsko-sanskom kantonu u Registru podataka o imovini, između ostalog omogućit će svim zainteresiranim građanima da reaguju u slučaju da imaju saznanja da se objavljeni podaci ne podudaraju sa stvarnim stanjem.


Provedba Zakona predstavlja veliki izazov za Ured, budući da kontinuirano pristižu prijave imovine.

Ured će raditi na uspostavljanju svog Informatičnog sistema, a koji će biti započet gore navedenim registrima.

Kako je već ranije navedeno, Zakon je stupio na snagu u februaru 2021. godine, te još uvijek nije došlo do njegove potpune implementacije, do danas nemamo funkcionalan Ured,



trenutno samo kancelarije bez zaposlenika, a koje su opremljene zahvaljujući našim donatorima
Američkoj ambasadi u BiH i Misiji OSCE-a u BiH.



PO OVLAŠTENJU
KANCELARIA UNSKO-SANSKOG KANTONA
v.d. Sekretar
Adela Tabaković, dipl. pravnik